

<b>PWYLLGOR:</b>	<b>IS - BWYLLGOR TRWYDDEDU CANOLOG</b>
<b>DYDDIAD:</b>	<b>26 IONAWR 2024</b>
<b>TEITL:</b>	<b>CAIS AM DRWYDDED EIDDO – B&amp;M, PORTHMADOG</b>
<b>PWRPAS:</b>	<b>ER PENDERFYNIAD</b>
<b>AWDUR:</b>	<b>PENNAETH AMGYLCHEDD</b>

### 1. CAIS A DDERBYNIWYD

2. Atodir cais am drwydded eiddo ar gyfer B&M, Stryd Madog, Porthmadog, LL49 9BU, gan B&M Retail Limited. Mae B&M Retail a ffurfiwyd ym 1976 bellach yn gweithredu cadwyn o dros 500 o siopau ledled Lloegr, Cymru a'r Alban. Mae'r siopau'n cynnig ystod eang o nwyddau cartref, cymysgedd o fwyd a chaledwedd, sydd o ansawdd ond am brisiau fforddiadwy.
  - 2.1 Mae'r ymgeisydd yn gofyn am yr hawl i werthu alcohol i gwsmeriaid er mwyn ei yfed oddi ar yr eiddo.
  - 2.2 Mae swyddogion yr Awdurdod Trwyddedu yn fodlon fod tystiolaeth ddigonol fod y cais wedi ei gyflwyno yn unol â gofynion y Ddeddf Drwyddedu 2003 a'r rheoliadau perthnasol ac felly yn ddilys.
  - 2.3 Fe dderbyniwyd sylwadau ar y cais ac felly mae wedi ei gyfeirio i wrandawriad o'r Is Bwyllgor hwn am benderfyniad.

Gweler y tabl amgaeedig am fanylion yr oriau arfaethedig:

<b>Oriau Agor / Opening Hours:</b>		
Dydd Sul/Sunday	07:00	- 23:00
Dydd Llun/Monday	07:00	- 23:00
Dydd Mawrth/Tuesday	07:00	- 23:00
Dydd Mercher/Wednesday	07:00	- 23:00
Dydd Iau/Thursday	07:00	- 23:00
Dydd Gwener/Friday	07:00	- 23:00
Dydd Sadwrn/Saturday	07:00	- 23:00
<b>Gweithgareddau Trwyddedadwy / Licensable Activities:</b>		
<b>Cyflenwi Alcohol/Supply of Alcohol: Ar ac oddi ar yr Eiddo :: Both on and off the Premises</b>		
Dydd Sul/Sunday	07:00	- 23:00
Dydd Llun/Monday	07:00	- 23:00
Dydd Mawrth/Tuesday	07:00	- 23:00
Dydd Mercher/Wednesday	07:00	- 23:00
Dydd Iau/Thursday	07:00	- 23:00
Dydd Gwener/Friday	07:00	- 23:00
Dydd Sadwrn/Saturday	07:00	- 23:00

### 3. Mesurau a argymhellir gan yr ymgeisydd i hyrwyddo'r amcanion trwyddedu

Mae'r mesurau a argymhellir gan yr ymgeisydd yn atodlen weithredol y cais yn cynnwys y canlynol –

- Bydd teledu cylch cyfyng yn cael ei ddarparu ar gyfer yr ardal fasnachu a thiliau arian parod
- Bydd B&M yn cadw mewn cysylltiad a swyddogion yr heddlu ynghylch unrhyw materion yn ymwneud â'r safle
- Ni fydd yr arwynebedd ar gyfer arddangos 'alcohol ar werth' yn fwy na 10% o'r ardal masnachu
- Bydd staff diogelwch dillad plaen yn cael eu cyflogi yn y safle yn ôl y galw angenrheidiol gan Ddeiliad y Drwydded
- Cyfarwyddo staff na ellir gwerthu alcohol i unrhyw berson y credir ei fod yn feddw
- Hysbysiadau i'w harddangos y tu mewn i'r safle yn datgan ei fod yn drosedd i unrhyw berson dan 18 oed i brynu alcohol
- Hysbysiadau i'w harddangos y tu mewn i'r eiddo yn nodi bod polisi Her 25 mewn grym
- Bydd y staff yn gwneud eu gorau glas i atal cwsmeriaid B&M rhag loetran ac achosi niwsans yn yr ardal tu allan i'r siop, a bydd pobl sy'n gwrthod symud yn destun i ymateb i'r Heddlu er mwyn hwyluso gwasgariad diogel

Gweler manylion llawn y mesurau a argymhellir yn rhan M y cais a welir yn yr atodiad .

#### **4. YMGYNGHORIAD**

Fe ymgynghorwyd ar y cais, ac fe dderbyniwyd ymatebion fel a ganlyn -

<b>YMATEBION</b>	<b>SYLWADAU</b>
Heddlu Gogledd Cymru	Dim gwrthwynebiad
Gwasanaeth Tan	Dim gwrthwynebiad
Gwasanaeth Gwarchod y Cyhoedd	Dim gwrthwynebiad
Cynghorwr ardal Porthmadog	Sylwadau
Aelod o'r Cyhoedd	Sylwadau

#### **3 Sylwadau ar y cais**

- 3.1 Cyflwynwyd sylwadau ar sail y ffaith fod pryderon am yr oriau a ofynnwyd amdanynt, gan fod gyda'r bwriad o agor y siop o 7yb hyd at 11yh yn ddyddiol. Roedd pryderon y gallai'r oriau ac ofynnwyd amdano danseilio'r amcanion trwyddedu, yn benodol atal niwsans cyhoeddus.
- 3.2 Nododd ymatebydd fod hanes o gwynion sŵn hanesyddol yn gysylltiedig â'r safle o'r 90au, pan agorwyd y siop ar gyfer manwerthu . Fe ofynnwyd i'r Pwyllgor rhoi ystyriaeth i arbed niwsans sŵn, yn enwedig o ystyried fod oriau agor a chau'r siop yn llawer hirach na'r hyn a weithredwyd gan siop Wilko.

#### **4 ARGYMHELLIAD**

**Yn unol a'r Deddf Drwyddedu 2003, argymhellir fod y Pwyllgor yn ystyried sylwadau yr ymatebwyr , ac ymateb yr ymgeisydd i'r pryderon – ac yn caniatáu'r cais.**